

სსიპ საჯარო რეესტრის ეროვნული სააგენტო

სატენდერო დოკუმენტაცია



აი პი ტელეფონების და კვების ბლოკების სახელმწიფო შესყიდვა
(CPV-32552100)
გამარტივებული ელექტრონული ტენდერის საშუალებით
(აუქციონის გარეშე)

2016 წელი
ქ. თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ფასების ცხრილი.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონული სისტემაში.

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია, ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.8. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.9. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი: თენგიზ ჯუღელი, ტელ: 2910517.

2. ტექნიკური დოკუმენტაცია

2.1. ანგარიშსწორების პირობები:

2.1.1. სატენდერო წინადადების საერთო ფასი გამოსახული უნდა იყოს საქართველოს კანონმდებლობით გათვალისწინებული საქონლის მოწოდებასთან დაკავშირებული ყველა გადასახადის გათვალისწინებით, მათ შორის დღგ–ს ჩათვლით (კანონმდებლობით გათვალისწინებულ შემთხვევაში), ნებისმიერი ხარჯი, რომელიც გათვალისწინებული არ იქნება მიმწოდებლის მიერ არ ანაზღაურდება შემსყიდველი ორგანიზაციის მიერ.

2.1.2. ანგარიშსწორება მოხდება უნაღდო ანგარიშსწორებით ლარში.

2.1.3. შესაძლებელია წინასწარი გადახდის მექანიზმის გამოყენება, სახელშეკრულებო ღირებულების არაუმეტეს 80 %-ის ოდენობით. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარმოუდგინოს შემსყიდველ ორგანიზაციას წინასწარ გადასახდელი თანხის ოდენობის საბანკო გარანტია ხელშეკრულების გაფორმებიდან 5 სამუშაო დღის ვადაში. საბანკო გარანტიის მოქმედების ვადა 30 დღით უნდა აღემატებოდეს შესყიდვის ობიექტის მიწოდების ვადას. თეთრ სიაში რეგისტრირებული მიმწოდებლის შემთხვევაში, მიმწოდებლის მიერ წარსადგენი საავანსო საბანკო გარანტიის ოდენობა უნდა შეადგენდეს წინასწარ გადასახდელი თანხის ნახევარს.

2.1.4. მიმწოდებელთან წინასწარი ანგარიშსწორება იწარმოებს წინასწარ გადასახდელი თანხის ოდენობის ოდენობის საბანკო გარანტიის წარმოდგენიდან 5 სამუშაო დღის ვადაში.

2.2. შესყიდვის ობიექტის ტექნიკური დავალება:

აი პი ტელეფონების (70 ერთეული) და კვების ბლოკების (50 ერთეული) შესყიდვა.

საქონლის დასახელება / ტექნიკური მახასიათებლები		რაოდენობა (ცალი)	გარანტია (არანაკლებ)
1	აი პი ტელეფონი		70
	ეკრანი	არანაკლებ 128 x 64 გაფართოება, მონოქრომული ფონური განათებით ან ფერადი LCD ეკრანი	
	ღილაკები	• ხმის გათიშვა/ჩართვა • არანაკლებ 4 პროგრამირებადი ღილაკი • ხმის მომატება დაკლება (Volume Control) • ყურსასმენის გათიშვა/ჩართვა • ხმამაღლამოლაპარაკის გათიშვა/ჩართვა • სტანდარტული 12 სიმბოლოიანი ნომრის ასაკრეფი პანელი • დალოდების(hold) ღილაკი • ნავიგაციის ღილაკები • პარამეტრების ღილაკი (Settings) ხმოვანი ფოსტის (Voicemail retrieval) წაკითხვის ღილაკი	
	ინტერფეისები	• არანაკლებ 2 ცალი 10/100BASE-T RJ-45 Ethernet ports (IEEE 802.3) • RJ-9 ყურმილის შესაერთებლად. • ჩაშენებული მიკროფონი და დინამიკი • ერთი ცალი RJ-9 ან 2,5 მმ ყურსასმენის პორტი	
		2 წელი	

	პროტოკოლების და ტექნოლოგიების მხარდაჭერა	- VLAN tagging 802.1p/Q; Layer 2 quality of service (QoS) - SIP v1 (RFC2543), v2 (RFC3261) - HTTP/HTTPS server - Simple Network Time Protocol (SNTP) (RFC 2030) - Voice activity detection (VAD) with silence suppression 802.3af-compliant PoE - CDP ან LLDP-MED		
	აუდიო კოდეკების მხარდაჭერა	G.711a, G.711u, G.729a, G.722		
	კონფიგურაციის მეთოდების მხარდაჭერა	ინტეგრირებული ვებ სერვერის საშუალებით - ვებ ადმინისტრირებისა და კონფიგურირების ფუნქცია. ავტომატური მონაცემების აღება FTP/TFTP/HTTP, HTTPS		
	სხვა ფუნქციები	XML/LDAP დამორებული ტელეფონების წიგნი.		
	კვების ბლოკი	100-240V 50-60 Hz (26-34 VA) AC გამავალი		
2	კვების ბლოკი		50	
	თავსებადობა	არსებული CP-3905 Cisco-ს ტელეფონთან.		

2.3. საქონლის მიწოდების სავალდებულო ვადები და ადგილი:

2.3.1. საქონლის მიწოდება უნდა განხორციელდეს ხელშეკრულების ძალაში შესვლიდან 30 (ოცდაათი) კალენდარული დღის განმავლობაში, მაგრამ არაუგვიანეს 2016 წლის 26 დეკემბრისა.

2.3.2. შესყიდვის ობიექტის მიწოდების ადგილია: ქ. თბილისი, წმ. ნიკოლოზის /ნ. ჩხეიძის ქ. №2

2.3.3. თუ მიმწოდებელი 2016 წლის 29 დეკემბრის ჩათვლით ვერ უზრუნველყოფს სატენდერო დოკუმენტაციის 2.3.1. ქვეპუნქტით განსაზღვრული ვალდებულების ჯეროვან შესრულებას, შემსყიდველი შეწყვეტს ხელშეკრულებას და მიმწოდებელს ხელშეკრულების შეუსრულებლობისათვის ან/და არაჯეროვანი შესრულებისათვის დააკისრებს პირგასამტებლოს ხელშეკრულების ღირებულების 10%-ის ოდენობით.

2.4. საგარანტიო ვადები და პირობები:

2.4.1. საქონელზე საგარანტიო ვადა უნდა ვრცელდებოდეს მიღება-ჩაბარების აქტის გაფორმებიდან არანაკლებ 2 წლის ვადით.

2.5. ნიმუში:

2.5.1. პრეტენდენტი ვალდებულია შემსყიდველს წარუდგინოს სატენდერო წინადადებით გათვალისწინებული აი პი ტელეფონის ნიმუში. შესყიდველის მოთხოვნიდან არაუგვიანეს 3 სამუშაო დღეში.

2.6. ფასწარმოქმნის ადეკვატურობა:

2.6.1. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 2¹ პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 3 (სამი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან სასაქონლო ზედნადებით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.7. პრეტენდენტის მიერ სისტემაში ასატვირთი მონაცემები:

2.7.1. პრეტენდენტმა უნდა წარმოადგინოს რეკვიზიტებიდანართი №1-ის შესაბამისად.

2.7.2. მისაწოდებელი საქონლის ფასების ცხრილი დანართი №2 -ის შესაბამისად.

2.7.3. მისაწოდებელი საქონლის ტექნიკური და ხარისხობრივი მონაცემების სრული აღწერილობა.

2.7.4. ინფორმაცია საგარანტიო ვადებისა და პირობების შესახებ.

2.7.5. 2014-2016 წლებში მიმწოდებლის მიერ არანაკლ 2 (ორი) ანალოგიური საქონლის მიწოდების დამადასტურებელი დოკუმენტაცია, რის დასტურადაც მიმწოდებელმა სისტემაში უნდა წარმოადგინოს შემსყიდველი ორგანიზაციის სარეკომენდაციო წერილები ან/და ხელშეკრულების ასლები და მიღება-ჩაბარების აქტ(ებ)ი ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები.

შენიშვნა: ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2016 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის ალექსანდრე თევდორაძის სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1 ხელშეკრულების საგანია აი პი ტელეფონების და კვების ბლოკების შესყიდვა. CPV-32552100
- 2.2 საქონლის დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილ ხელშეკრულების დანართში (დანართი №1).

3. ხელშეკრულების ღირებულება

- 3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ხელშეკრულების დანართის (დანართი №1) შესაბამისად და შეადგენს ----- (-----) ლარს.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

- 4.1. მიმწოდებელი ვალდებულია:
 - ა) განახორციელოს საქონლის მიწოდება ხელშეკრულების ძალაში შესვლიდან 30 (ოცდაათი) კალენდარული დღის განმავლობაში, მაგრამ არაუგვიანეს 2016 წლის 26 დეკემბრისა. შემდეგ მისამართზე: ქ. თბილისი, წმ. ნიკოლოზის/წ. ჩხეიძის ქ. №2.
 - ბ) წინასწარი ანგარიშსწორების შემთხვევაში, ხელშეკრულების გაფორმებიდან 5 სამუშაო დღის ვადაში, წარუდგინოს შემსყიდველს ხელშეკრულების ღირებულების არაუმეტეს 80% -ის ოდენობის საბანკო გარანტია, რომლის მოქმედების ვადა არანაკლებ 30 დღით უნდა აღემატებოდეს შესყიდვის ობიექტის

მიწოდების ვადას. თეთრ სიაში რეგისტრირებული მიმწოდებლის შემთხვევაში საავანსო საბანკო გარანტიის ოდენობა უნდა შეადგენდეს წინაწარ გადასახდელი თანხის ნახევარს.

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება და უზრუნველყოს აღმოჩენილი ხარვეზების გამოსწორება.

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1 წინამდებარე ხელშეკრულების საფუძველზე შესყიდულ საქონელზე ვრცელდება გარანტია მიღება ჩაბარების აქტის გაფორმების დღიდან --- ----- განმავლობაში.

5.2 საგარანტო პერიოდის განმავლობაში შესყიდული პროდუქციის ექსპლუატაციისას, ექსპლუატაციის ნორმების დაცვის პირობებში, დეფექტების გამოვლენის შემთხვევაში, მიმწოდებელი ვალდებულია, შეტყობინების მიღებიდან 10 (ათი) კალენდარულ დღეში განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯების გაწევის გარეშე.

5.3 მიმწოდებლის მიერ 5.2 პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების ანაზღაურება.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებენ ინფორმაციული ტექნოლოგიების დეპარტამენტის შესაბამისი უფლებამოსილი პირები.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია დაუყოვნებლივ გამოასწოროს წუნი.

7. საავანსო საბანკო გარანტია

7.1 წინასწარი ანგარიშსწორების შემთხვევაში მიმწოდებელი წარუდგენს შემსყიდველს ხელშეკრულების ღირებულების არაუმეტეს 80 %-ის ოდენობის საბანკო გარანტიას, რომლის მოქმედების ვადა არანაკლებ 30 დღით უნდა აღემატებოდეს შესყიდვის ობიექტის მიწოდების ვადას. თეთრ სიაში რეგისტრირებული მიმწოდებლის შემთხვევაში, მიმწოდებლის მიერ წარსადგენი საავანსო საბანკო გარანტიის ოდენობა უნდა შეადგენდეს წინასწარ გადასახდელი თანხის ნახევარს.

7.2 მიმწოდებლის მიერ წარმოდგენილი ხელშეკრულების ღირებულების ---- %-ის ოდენობის საავანსო საბანკო გარანტია, შემსყიდველის მიერ შეიძლება გამოყენებულ იქნეს იმ შემთხვევაში, თუ მიმწოდებელი ვერ უზრუნველყოფს საავანსო საბანკო გარანტიის იდენტური ღირებულების ვალდებულების მოწოდებას, საავანსო საბანკო გარანტიის მოქმედების ვადის გასვლამდე.

7.3 იმ შემთხვევაში, თუ მიმწოდებელი უზრუნველყოფს ხელშეკრულების ნაკისრი ვალდებულების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებელის წერილობითი მიმართვის საფუძველზე უზრუნველყოს გარანტიის დაბრუნება.

8. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმხორციელებელი პირის/პირების დადებითი დასკვნის საფუძველზე.

9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2016 წლის საჯარო რეესტრის ეროვნული სააგენტოს საკუთარი შემოსავლები.

9.2 წინასწარი ანგარიშსწორების მოთხოვნის შემთხვევაში შემსყიდველი გადაურიცხავს მიმწოდებელს ავანსის სახით ხელშეკრულების ღირებულების არაუმეტეს 80%-ს, საავანსო საბანკო გარანტიის წარმოდგენიდან 5 სამუშაო დღის ვადაში.

9.3 თუ მიმწოდებელი ისარგებლებს ავანსის მოთხოვნის უფლებით, ფაქტობრივად მიწოდებული საქონლის (რომელიც დადასტურებული იქნება მიღება-ჩაბარების აქტით და შესაბამისი საგადასახადო ანგარიშ-ფაქტურით (კანონმდებლობით გათვალისწინებულ შემთხვევაში)) ღირებულების ---- % მიმართული იქნება ავანსის დასაფარავად, ხოლო დანარჩენ ---- %-ს შემსყიდველი გადაურიცხავს მიმწოდებელს 10 (ათი) სამუშაო დღის განმავლობაში.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1 წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.2 წინამდებარე ხელშეკრულების 6.4 პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0.02 %-ის ოდენობით.

11.3 წინამდებარე ხელშეკრულების 9.2 ან/და 9.3 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

11.4 იმ შემთხვევაში, თუ მიმწოდებელი 2016 წლის 29 დეკემბრის ჩათვლით ვერ უზრუნველყოფს ხელშეკრულების 4.1 პუნქტის „ა“ ქვეპუნქტით განსაზღვრული ვალდებულების ჯეროვან შესრულებას, შემსყიდველი შეწყვეტს ხელშეკრულებას და მიმწოდებელს ხელშეკრულების შეუსრულებლობისათვის ან/და არაჯეროვანი შესრულებისათვის დააკისრებს პირგასამტეხლოს ხელშეკრულების ღირებულების 10%-ის ოდენობით.

11.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

14.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 იანვრის ჩათვლით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

18. მხარეთა რეკვიზიტები

შემსყიდველი:

მიმწოდებელი:

საჯარო რეესტრის ეროვნული სააგენტო,
თავმჯდომარის მოადგილის
ალექსანდრე თევდორაძის სახით,
მისამართი: ქ. თბილისი, სანაპიროს ქ. №2
საბანკო რეკვიზიტები: ანგ: ხაზინის ერთიანი ანგარიში
№GE24NB0330100200165022,
სახელმწიფო ხაზინა, ბანკის კოდი: TRESGE22,
სახაზინო კოდი: 707427078
სკ - 202238621

წარმოდგენილი ----- სახით,

მისამართი: -----
საბანკო რეკვიზიტები: ანგ. №-----,
სს -----, კოდი: -----,
სკ -----

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი,

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

უფლებამოსილი პირი (თანამდებობა / სახელი, გვარი) _____

დანართი №2
ფასების ცხრილი

№	დასახელება	ტექნიკური მახასიათებლები / მოდელი	რაოდენობა	მწარმოებელი ქვეყანა და კომპანია	გარანტია	ერთეულის ღირებულება	საერთო ღირებულება	მიწოდების ვადა და ადგილი
1	აი პი ტელეფონი		70					მიწოდების ვადა ხელშეკრულების ძალაში შესვლიდან 30 (ოცდაათი) კალენდარული დღის განმავლობაში, მაგრამ არაუგვიანეს 2016 წლის 26 დეკემბერისა. მიწოდების ადგილი ქ. თბილისი. წმ. ნიკოლოზის/წ.ჩხეიძის ქ. #2
2	კვების ბლოკი		50					
	ჯამი:							

უფლებამოსილი პირი (თანამდებობა / სახელი, გვარი) _____
